

Kasalla: Der Fluss

Millione Liter pro Sekund,
dreienhalf Meter bes zom Jrund,
du läufs un läufs, läufs niemols leer.
Vun de Alpe bes nohm Meer,
an d'r quell ne Baach, bei uns ene Strom
un dausendmol älter wie dä Dom.

Du deilst ming Stadt in jot un schäl,
un jiss ene Driss op unsere Pejel.
Weed et dir zo eng küss du an Land,
un brings uns Möwe met vum Strand.
Eine Wind dä weht, ein Hätz dat schlät,
ein Land dat dinge Name dräht.
Dich hält nix op ov Stein ov Stahl,
un eijentlich sin mir dir scheissejal.

Ejal ov et räant, ejal ov et schneit,
ejal ov mer kriesch oder ov mer sich freut,
du määs einfach wigger, su ejal wat passeet
ejal ov et räant ejal ov et schneit.
Och wenn mer am Rad driecht, du tricks einfach vörbei.
Ejal ov der Dom noch steiht,
du määs wigger esu als wör nix passeet.

Millione Monde wie hück Naach,
jenau wie du, ben ich noch waach,
en Fläsch, ne Zeddel, ne Wunsch noh Jlöck
werf ich in Müllem vun d'r Bröck.
Du nimms en met bes Rotterdam
un rotz en in dä Ozean.
Un och an mingem letzte Daach
häls du nit aan, nor weil ich de knöpp zo maach.

Ejal ov et räant, ejal ov et schneit,
ejal ov mer kriesch oder ov mer sich freut,
du määs einfach wigger, su ejal wat passeet
ejal ov et räant ejal ov et schneit.
Och wenn mer am Rad driecht, du tricks einfach vörbei.
Un selvs wenn d'r Dom affbrennt,
du määs wigger esu, als wör nix passeet,
esu als wenn et dich nix anjeiht.

Ejal ov et räant, ejal ov et schneit,
ejal ov mer kriesch oder ov mer sich freut,
du mäas einfach wigger, su ejal wat passeet
ejal ov et räant ejal ov et schneit.
Och wenn mer am Rad driecht, du tricks einfach vörbei.
Un wenn de janze Stadt en Flamme steiht,
du mäas einfach wigger esu, als wör nix passeet,
als wör nix passeet,
övverhaup nix passeet.